



支那撰述

法華經入氣





妙法蓮華經卷第七

妙法蓮華經卷第七

姚秦三藏法師鳩摩羅什譯

天台智者疏并記
四明沙門道威入注

妙法蓮華經妙音菩薩品第二十四

第二妙音
觀音兩品

誠所化弟子三昧乘乘初釋妙音為一初釋品題二釋經文
初因緣釋題者文中自釋管奉雲雷音王佛十萬種伎今遊
化他土音樂自隨管奉八萬四千寶鉢今爾許道器眷屬圍
繞管得一切衆生語言陀羅尼今以普現色身以音聲徧吼十
方弘宣此教故名妙音品也此品明菩薩以難思之力隨類
通經物觀其迹莫測其本但其味無釋其形當卑其地自壅其
流卽是化他門文分爲六一放光東召二奉命西來三十方
中第二意也弘經四二上得益五還歸本國六開品進道

爾時釋迦牟尼佛放大人相肉髻光明及放

眉間白毫相光徧照東方百八萬億那由他
 恒河沙等諸佛世界過是數已有世界名淨
 光莊嚴其國有佛號淨華宿王智如來應供
 正徧知明行足善逝世間解無上士調御丈
 夫天人師佛世尊為無量無邊菩薩大眾恭
 敬圍繞而為說法釋迦牟尼佛白毫光明徧
 照其國初放光東召大人相者大相海也遍體毛功德不及一好功德眾好功德不及一相功德諸相從下向上展轉相勝不及日毫功德白毫功德不及肉髻功德故是大人相也此相業者從孝順師長起今放是光召本弟

使弘中道之經利益大機者也白毫從一道清淨起今放
 光令弘此法也問佛一一相皆法界海何故勝負答他經所
 明宜作此說耳問佛有緣弟子布滿十方何故召東說西不
 論八方耶答此有所表淨名云日月何意行閻浮提欲以光
 明除眾闇順東是光始西是其終有始有終其唯聖人乎未
 發心者令其發心未究竟者令其究竟一菩薩既爾諸眾亦
 然一方既爾諸方亦然聖不此下第二奉命西來初發來
 繁文舉弊諸但言東西耳文為二初發來緣又為六
 爾時一切淨光莊嚴國中有一菩薩名曰妙
 音久已植眾德本供養親近無量百千萬億
 諸佛初經家叙福慧中初叙而悉成就甚深智慧
二甚深智慧即
 得妙幢相三昧法華三昧淨德三
智惠莊嚴也

昧宿王戲三昧無緣三昧智印三昧解一切
 衆生語言三昧集一切功德三昧清淨三昧
 神通遊戲三昧慧炬三昧莊嚴王三昧淨光
 明三昧淨藏三昧不共三昧日旋三昧得如
 是等百千萬億恒河沙等諸大三昧三昧即福德
莊嚴經釋迦牟尼佛光照其身二妙音即白淨華
蒙照宿王智佛言世尊我當往詣娑婆世界禮拜
 親近供養釋迦牟尼佛及見文殊師利法王

子菩薩藥王菩薩勇施菩薩宿王華菩薩上
 行意菩薩莊嚴王菩薩藥上菩薩三辭佛欲
來此國也爾時淨華宿王智佛告妙音菩薩汝莫輕彼
 國生下劣想善男子彼娑婆世界高下不平
 土石諸山穢惡充滿佛身卑小諸菩薩衆其
 形亦小而汝身四萬二千由旬我身六百八
 十萬由旬汝身第一端正百千萬福光明殊
 妙是故汝往莫輕彼國若佛菩薩及國土生

下劣想

四彼佛誠教者然法身大士故不肅而成所將眷
不得見卑小而忘其尊嚴此約如來座為誠也然依空亾相
身是有相理是妙空一塵之身成與理等況丈六之質生劣
想耶夫師與弟子智斷具足師既施權弟子亦隱其實此約
如來衣為誠也俱隱寂忍而蔽其拙也夫依報國土皆正報
所感如來以慈臨大千宜須高須下勿觀依報而忽正報也
此約如來室為誠應往無緣安其穢土也此佛弘經亦勅三
意彼尊誠約諸佛道同也一切應身化儀示迹
說法之處皆具此三誠眾而為弘經之軌也 妙音菩薩

白其佛言世尊我今詣娑婆世界皆是如來
之力如來神通遊戲如來功德智慧莊嚴五

音受旨者如來之力是座力神通力是室力莊嚴力是衣力
此受弘經之大旨利物之宗要故能不動此會遊化十方

然一切菩薩不無推功化主如來先誠令菩薩自運菩薩
者往彼實難何況往復應須利他故知往來皆如來力然又
如來加於可加菩薩有分但未至極故以極三加於分三令
用弘經宗要衣座室耳故知皆如來力起於神通種種莊嚴
方能利物是則如來以中空故能以慈悲加諸菩薩具足第
莊嚴故隨機利益言莊嚴者因中萬行此會者彼土也六
現相欲來 於是妙音菩薩不起于座身不動搖
此文為六

而入三昧以三昧力於耆闍崛山太法座不

遠化佗八萬四千眾寶蓮華閻浮檀金為莖

白銀為葉金剛為鬚甄叔迦密以為其臺

爾時文殊師利法王子見是蓮華而白佛

言世尊是何因緣先現此瑞有若干千萬蓮

華閣浮檀金為莖白銀為葉金剛為鬚甄叔

迦寶以為其臺

一云文殊問也問若文殊位下辭不應
永見若文殊位高相來那忽不識答

雖同一位有始中終止此一事不知無忝高
位又眾中見瑞不了發起令知故問佛耳

爾時釋迦

牟尼佛告文殊師利是妙音菩薩摩訶薩欲

從淨華宿王智佛國與八萬四千菩薩圍繞

而來至此娑婆世界供養親近禮拜於我亦

欲供養聽法華經

佛

文殊師利白佛言世

尊是菩薩種何善本修何功德而能有是大神

通力行何三昧願為我等說是三昧名字

我等亦欲勤修行之行此三昧乃能見是菩

薩色相大小威儀進止唯願世尊以神通力

彼菩薩來令我得見

四文殊
請見

爾時釋迦牟尼

佛告文殊師利此久滅度多寶如來當為汝

等而現其相

五釋迦
推功

時多寶佛告彼菩薩善

男子來文殊師利法王子欲見汝身

第六多
寶命來

下第二正 于時妙音菩薩於彼國沒與八萬四
發來爲六

千菩薩俱共發來所經諸國六種震動皆悉

雨於七寶蓮華百千天樂不鼓自鳴初明卷是屬經歷

菩薩目如廣大青蓮華葉正使和合百千萬

月其面貌端正復過於此身真金色無量百

千功德莊嚴威德熾盛光明照耀諸相具足

如那羅延堅固之身入七寶臺上外虛空太

地七多羅樹諸菩薩衆恭敬圍繞而來詣此

娑婆世界耆闍崛山二明叙相登臺到已下七寶臺以

價直百千嬰珞持至釋迦牟尼佛所頭面禮

足奉上嬰珞而白佛言世尊淨華宿王智佛

問訊世尊少病少惱起居輕利安樂行不四

大調和不世事可忍不衆生易度不無多貪

欲瞋恚愚癡嫉妬慳慳不無不孝父母不敬

沙門邪見不善心不攝五情不世尊衆生能

降伏諸魔怨不久滅度多寶如來在七寶塔

中來聽法不又問訊多寶如來安隱少惱堪

忍久住不三明明問世尊我今欲見多寶佛身唯

願世尊示我令見四明請爾時釋迦牟尼佛語

多寶佛是妙音菩薩欲得相見五明世時多寶

佛告妙音言善哉善哉汝能為供養釋迦牟尼

佛及聽法華經并見文殊師利等故來至

此六明塔第三十方私爾時華德菩薩白佛言

世尊是妙音菩薩種何善根修何功德初明

問答種有是神力二問今佛告華德菩薩過去有

佛名雲雷音王多陀阿伽度阿羅訶三藐三

佛陀國名現一切世間劫名熹見妙音菩薩

於萬二千歲以十萬種伎樂供養雲雷音王

佛并奉上八萬四千七寶鉢以是因緣果報

今生淨華宿王智佛國有是神力華德於汝

意云何爾時雲雷音王佛所妙音菩薩伎樂

供養奉上寶器者豈異人乎今此妙音菩薩

摩訶薩是華德是妙音菩薩已曾供養親近
無量諸佛久植德本又值恒河沙等百千萬

億那由他佛初答昔種善根獻樂奉器仍結今古華德汝但見妙音

菩薩其身在此而是菩薩現種種身處處為

諸眾生說是經典或現梵王身或現帝釋身

或現自在天身或現大自在天身或現天大

將軍身或現毗沙門天王身或現轉輪聖王

身或現諸小王身或現長者身或現居士身

或現宰官身或現婆羅門身或現比丘比丘

尼優婆塞優婆夷身或現長者居士婦女身

或現宰官婦女身或現婆羅門婦女身或現

童男童女身或現天龍夜叉乾闥婆阿脩羅

迦樓羅緊那羅摩睺羅伽人非人等身而說

是經諸有地獄餓鬼畜生及眾難處皆能救

濟乃至於王後宮變為女身而說是經華德

是妙音菩薩能救護娑婆世界諸眾生者是

妙音菩薩如是種種變化現身在此娑婆國
 土為諸眾生說是經典於神通變化智慧無
 所損減是菩薩以若干智慧明照娑婆世界
 令一切眾各得所知於十方恆河沙世界
 中亦復如是若應以聲聞形得度者現聲聞
 形而為說法應以辟支佛形得度者現辟支
 佛形而為說法應以菩薩形得度者現菩薩
 形而為說法應以佛形得度者即現佛形而

為說法如是種種隨所應度者而為現形乃
 至應以滅度而得度者示現滅度華德妙音
 菩薩摩訶薩成就大神通智慧之力其事如
 是二答今第一二問神カ爾時華德菩薩白佛言世
 尊是妙音菩薩深種善根世尊是菩薩住何
 三昧而能如是在所變現度脫眾初問今住生何定而能
如此自在利益佛告華德菩薩善男子其三昧名現一
 切色身妙音菩薩住是三昧中能如是饒益

無量眾生

二答任佛三昧

說是妙音菩薩品時與妙音

菩薩俱來者八萬四千人皆得現一切色身

三昧此娑婆世界無量菩薩亦得是三昧及

陀羅尼

第四二土得益三昧與陀羅尼體一而用異寂用為三昧持用名陀羅尼又色身變現名三昧音聲

辯說名陀羅尼上品云初得一切色身三昧轉身得一切語言陀羅尼當知音聲猶是色法故言體一用異又舌根清淨

名陀羅尼餘根清淨名三昧都是六根清淨法門此則圓門三昧陀羅尼必得體同名異三昧從定陀羅尼從慧即不思議之定慧

故得互用爾時妙音菩薩摩訶薩供養釋迦牟尼佛及多寶佛塔已還歸本土所經諸國六

種震動雨寶蓮華佗百千萬億種種伎樂既

到本國與八萬四千菩薩圍繞至淨華宿王

智佛所白佛言世尊我到娑婆世界饒益眾

生見釋迦牟尼佛及見多寶佛塔禮拜供養

又見文殊師利法王子菩薩及見藥王菩薩

得勤精進力菩薩勇施菩薩等亦令是八萬

四千菩薩得現一切色身三昧

第五還歸本土動地雨華者菩薩經

歷尚能傍益况佛前放光傍照東方百八萬億那由他土亦傍論利益也

說是妙音菩薩來

往品時四萬二千天子得無生法忍華德善

薩得法華三昧

第六聞品進道已上妙音品誠所化弟子三昧乘乘竟

妙法蓮華經觀世音菩薩普門品第二十五

第二觀音品明所化弟子三昧乘乘為三初釋品目二示章意三釋經文釋品日中初簡具彰要二撮要釋題初明此品是當途王經講者甚眾今之解釋不與他同別有私記兩卷今略撮彼釋此題有通有別通有十雙別有五隻在下委明初通有十雙者一觀世音人也普門法也人有種種並是示為一實并七方便法有種種即前後問答云何而為眾生說法等事依前問答論觀世音人依後問答論普門法入法合題故言觀世音普門品二拔苦與樂明觀世音者大悲拔苦依前問答百千苦惱皆得解脫普門者大慈與樂依後問答應以得度而為說法也三約福慧二嚴明觀世音者智慧莊嚴

嚴智能斷惑如明時無闇普門者福德莊嚴福能轉壽如珠雨寶者也四真應二身明觀世音者觀冥於境即法身也普門者隨所應現即應身也五約藥樹珠王明觀世音者譬藥樹王福體愈病普門者譬如意珠王隨意所與六冥顯二益明觀世音者冥作利益無所見聞三毒七難皆離二求兩願皆滿也普門者顯作利益目觀二十三聖容耳聞十九尊敬也七約權實二智明觀世音者隨自意照實智也普門者隨他意照權智也八本迹明觀世音者不動本際也普門者迹任方圓也九緣了二因明觀世音者根本是了因種子普門者根本是緣因種子也十智斷二德明觀世音者究竟是智德如十四夜月光普門者究竟是斷德如二十九夜月邪輝將盡也經文兩問答含無量義略用十雙始從人法終至智斷釋品通名其義如是第二別論五隻者初釋觀者觀有種種謂析觀體觀次第觀圓觀析觀者滅色入空也體觀者即色是空也次第觀者從析觀乃至圓觀也圓觀者即析觀是實相乃至次第觀亦實相也今簡三觀唯論圓觀文云普門也

觀若不圓門不稱普即此義也二釋世者若就於行先世後觀若就言說先觀後世今從說便故後論世世亦多種謂有為世無為世二邊世不思議世有為世者三界世也無為世者二涅槃也二邊世者生死涅槃也不思議世者實相境也棟却諸世但取不思議世也三釋音者機也機亦多種人天機二乘機菩薩機佛機人天機者諸惡莫作諸善奉行也二乘機者厭畏生死欣尚無為也菩薩機者先入後已慈悲仁讓也佛機者一切諸法中悉以等觀入一切無礙人一道出生死也棟卻諸音之機唯取佛音之機而設應以此機應因緣故名觀世音也四釋普者周徧也諸法無量若不得普則是偏法若得普者則是圓法故思益云一切法邪一切法正略約十法明普得此意已類一切法無不是普所謂慈悲普弘誓普修行普離惑普入法門普神通普方便普說法普成就眾生普供養諸佛普始自入天終至菩薩皆有慈悲然有普有不普生法兩緣慈體既偏被緣不廣不得稱普無緣與實相體同其理既圓慈靡不徧如磁石吸鐵任運相應如此

慈悲徧熏一切名慈悲普弘誓普者弘廣也誓制也廣制要心故言弘誓弘誓約四諦起若約有作無生無量四諦者收法不盡不名為普若約無作四諦者名弘誓普也修行普者例如佛未植定光佛前凡有所修不與理合從得記已觸事即理智歷法而修行者無行而不普也斷惑普者若用一切種智斷無明者五住皆盡如除根本名斷惑普也入法門普者道前名修方便道後所入名入法門若二乘以一心入一定一心住二不得眾多又為定所縛故不名普若歷別諸地淺深階差亦不名普若入王三昧一切三昧悉入其中不起滅定現諸威儀故名入法門普也神通普者大羅漢天眼照大千支佛照百佛世界菩薩照恒沙世界皆緣境狹發通亦偏若緣實相修者一發一切發相似神通如上說況真神通而非普耶方便普者二種道前方便修行中攝道後又二一者法體如入法門中說二者化用如今說逗機利物稱適緣宜一時圓徧雖復種種運為於法性實際而無損減

是名方便普也。說法普者能以一妙音稱十法界。隨其宜類俱令解脫。如脩羅琴故名。說法普也。成就眾生普者一切世間及出世間所有事業皆菩薩所為。鑿井造舟神農嘗藥雲蔭日照利益眾生乃至利益一切賢聖。示教利喜令人三菩提是名成就眾生普也。供養諸佛普者若作外事供養以一時一食一華一香供養一切佛無前無後一時等供於一塵中出種種塵亦復如是。若作內觀者圓智導眾行圓智名為佛眾行資圓智即是供養佛。若行資餘智不名供養普。眾行資圓智是名供養普也。五釋門者從假入空空通而假壅從空入假假通而空壅偏通則非普壅故非門中道非空非假正通實相雙照。一諦故名普正通故名門普門圓通義則無量略舉其十雙五隻類則可知。釋題目竟次示章意者此品猶是普現三昧化他流通也。第三正釋經文文為三一問一答二問品得益也。問答兩番初番問答為二初問又二爾時無盡意菩薩即從座起偏袒右肩合掌

向佛而作是言

初經家叙時者說東方菩薩竟次說西方菩薩時世界悉檀也說東方生善竟次說西方生善時為入悉檀說東方斷疑竟次說西方斷疑也言無盡意者大品明空則無盡大集明八十無盡門淨名云夫無盡者非盡非無盡故名無盡總三經用三觀三智釋無盡也意者智也無盡者境也智契於境單從於境應言無盡單從於智應言於意境智合稱故言無盡意也又意者世出世之本也又意即法界中道故言能觀心性名為上定此約三智三觀釋名也

世尊觀世音菩薩

以何因緣名觀世音

次初約藥樹王身大悲拔苦真能問能答無盡意前以慧莊嚴問觀世音佛答為三慧莊嚴佛以慧莊嚴答觀世音慧莊嚴也。佛答為三別答三勸持名答總為四

佛告無盡意菩薩善男子若有無

量百千萬億衆生

一明入數也自有多苦苦一人多人受一苦一人受多苦一人受少苦今

文百千萬億衆生多人也

受諸苦惱

一明遭苦也受諸苦惱多苦也舉多顯少多尚能救况少苦耶

聞是觀世音菩薩一心稱名

二明聞名稱号也遭苦是惡稱名是善善

惡合爲機義也

觀世音菩薩即時觀其音聲皆得解脫

四明得解脫也皆得解脫是應此是機感因緣名觀世音亦是人法因緣乃至智斷因緣名觀世音後去例如此結名不

繁別答爲三一六口機應一三意機應二六支身機應口又二初明七難次結

若有持是觀

世音菩薩名者設人大火火不能燒由是菩

薩威神力故

火難爲四一持名是善二遭火是惡三應四結於一難中例爲二番釋火下去六

亦復如是二番者一果報火地獄已上初禪已還皆論機應二惡業火者地獄已上非想已還皆論機應三煩惱火者地獄已上等覺已還皆論機應七難三毒二求例皆如此此義既廣可以意知不可文記也

若爲大水

所漂稱其名號即得淺處

二明水難亦應約報業煩惱三番機應釋之

若有百千萬億衆生爲求金銀瑠璃砗磲碼

碯珊瑚琥珀眞珠等寶入於大海假使黑風

吹其船舫飄墮羅刹鬼國其中若有乃至一

人稱觀世音菩薩名者是諸人等皆得解脫

羅刹之難以是因緣名觀世音

二明風難亦應三番釋之

若

復有人臨當被害稱觀世音菩薩名者彼所

執刀杖尋段段壞而得解脫須二番釋之若三

千大千國土滿中夜叉羅刹欲來惱人聞其

稱觀世音菩薩名者是諸惡鬼尚不能以惡

眼視之況復加害五明惡鬼難亦三番釋之設復有人若有

罪若無罪杻械枷鎖檢繫其身稱觀世音菩

薩名者皆悉斷壞即得解脫六明枷鎖難亦三番釋之若三

千大千國土滿中怨賊有一商主將諸商人

齋持重寶經過險路其中一人作是唱言諸

善男子勿得恐怖汝等應當一心稱觀世音

菩薩名號是菩薩能以無畏施於眾生汝等

若稱名者於此怨賊當得解脫眾商人聞俱

發聲言南無觀世音菩薩稱其名故即得解

脫七明怨賊難亦三番釋之無盡意觀世音菩薩摩訶薩威

神之力巍巍如是此第一總結上七難七難是口

機應為一若有眾生多於姪欲常念恭敬觀世

支那

法華八疏七

十五

音菩薩復得離欲若多瞋恚常念恭敬觀世

音菩薩復得離瞋若多愚癡常念恭敬觀世

音菩薩復得離癡初明意二機感三毒是意機者無

盡意觀世音菩薩有如是等大威神力多所

饒益是故衆生常應心念二結意業 三明身 機爲二若

有女人設欲求男禮拜供養觀世音菩薩復

生福德智慧之男初求男有立願修行 德業亦應二番釋之設欲求女

復生端正有相之女宿植德本衆人愛敬求

如是力若有衆生恭敬禮拜觀世音菩薩福

不唐捐第二結歎身業然二求是身機者常禮拜設色

是故衆生皆應受持觀世音菩薩名

號初勸持名上迷勝名美德不辨形質 二格量 若欲歸崇宜持名字是故勸持名也 中又四無盡

意若有人受持六十二億恒河沙菩薩名字

復盡形供養飲食衣服臥具醫藥初明格量本 也入大乘論

云法身唯一應色則多格六十二億應等二法身也智者云 圓人唯多偏人則多格六十二億偏菩薩等二圓菩薩也若

心境相對四句分別今此乃是兩俱句邊持六十二億心境俱劣受持觀音心境俱勝此即定教當教而觀若二交互句並境隨心轉問何故法華論中乃以持六十二億恆河沙佛名爲校量耶答有云論誤今云不爾今先出論次略消釋論云受持觀音名與六十二億恆河沙諸佛名彼福平等者有二種義一信力故二畢竟知故信力復二一者求我如觀音畢竟信故二生恭敬心如彼功德我亦得故二畢竟知者決定知法界故法界者名爲法性初地菩薩能證入一切諸佛平等身故平等身者謂真如法身是故受持觀音與六十二億恆河沙諸佛功德無差今謂以此驗知須依圓釋何者於二義中信力約事畢竟約理事理相資方成所念如信力二中既云求我身如觀音即指化身又云觀音功德我亦得之乃指報身願齊報應方乃成念但念果德者何必識理故次義云知法界等次引證位即是初地且引分證令人識之故知念觀音三身須却以念佛校之若以念法身論之縱引十方諸佛其功亦等何但六十二耶所以論文雖似舉經乃是

增句釋義亦如方便品初於汝意云何是善男子善女人功

德多不起問無盡意言甚多世尊二無盡佛言

若復有入受持觀世音菩薩名號乃至一時

禮拜供養是二人福正等無異於百千萬億

劫不可窮盡四佛正無盡意受持觀世音菩薩

名號得如是無量無邊福德之利第三結勸勸

答初重○第二問答明寶珠王身大慈無盡意菩薩

問竟與樂顯益爲二初問又爲二白佛言世尊觀世音菩薩云何遊此娑婆世

界初二問
身輪云何而為衆生說法二問
口輪方便之力

其事云何三問意輪此聖人三密
無謀之權隨機適應也○第一佛答為二一別
答一一總答三勸供養

佛告無盡意菩薩善男子若有國土衆生應
以佛身得度者觀世音菩薩即現佛身而為
說法應以辟支佛身得度者即現辟支佛身
而為說法應以聲聞身得度者即現聲聞身
而為說法應以梵王身得度者即現梵王身
而為說法應以帝釋身得度者即現帝釋身

而為說法應以自在天身得度者即現自在
天身而為說法應以自在天身得度者即
現自在天身而為說法應以天大將軍身
得度者即現天大將軍身而為說法應以毗
沙門身得度者即現毗沙門身而為說法應
以小王身得度者即現小王身而為說法應
以長者身得度者即現長者身而為說法應
以居士身得度者即現居士身而為說法應

以宰官身得度者即現宰官身而為說法應
 以婆羅門身得度者即現婆羅門身而為說
 法應以比丘比丘尼優婆塞優婆夷身得度
 者即現比丘比丘尼優婆塞優婆夷身而為
 說法應以長者居士宰官婆羅門婦女身得
 度者即現婦女身而為說法應以童男童女
 身得度者即現童男童女身而為說法應以
 天龍夜叉乾闥婆阿脩羅迦樓羅緊那羅摩

睺羅伽人非人等身得度者即皆現之而為

說法應以執金剛神得度者即現執金剛神

而為說法

初佛別答菩薩二業之間應以者答方便力也現身答其問遊也說法答其問口也凡有

三十二身十九說法例皆如上方便力等二也應其指離合以結說少故但十九如八部四眾但結一說無盡

意是觀世音菩薩成就如是功德以種種形

遊諸國土度脫眾生

此第二結別開總別答文廣意

是別故結云成就如是功德即以此句復為開下總句之首故下總云以種種形等也問此經會三何故云應以三乘等耶答形異法一故妙音品云種種變化
 ○三勸供是故汝
說是經典人不見之謂說三乘者謬矣

等應當一心供養觀世音菩薩是觀世音菩
薩摩訶薩於怖畏急難之中能施無畏是故
此娑婆世界皆號之為施無畏者初勸次受旨
供養又為二六
無盡意菩薩白佛言世尊我今當供養觀世
音音菩薩即解頸眾寶珠嬰珞價直百千兩
金而以與之作是言仁者受此法施珍寶嬰
珞初奉命
施供時觀世音菩薩不肯受之之觀音
不受無盡
意復白觀世音菩薩言仁者憫我等故受此

嬰珞二無盡
意重奉

爾時佛告觀世音菩薩當憫此無

盡意菩薩及四眾天龍夜叉乾闥婆阿脩羅

迦樓羅緊那羅摩睺羅伽人非人等故受是

嬰珞四佛勸
受之

即時觀世音菩薩憫諸四眾及於

天龍人非人等受其嬰珞分作一分一分奉

釋迦牟尼佛一分奉多寶佛塔五觀音
即受

無盡意

觀世音菩薩有如是自在神力遊於娑婆世

界六結觀音神力已上並是第二問
答明寶珠玉身大慈興樂顯益竟

爾時無盡意菩

薩以偈問曰

偈有二十六行為一初十七行頌觀音

代皆云梵本中有此亦未測什公深意續僧傳中云偈是闍那栖多所譯今從什本故無所釋觀音義疏記云荆溪亦於輔行記中引還著於本人之文故知其釋理亦無妨近有天竺式法師分節其文對於長行二種問答宛如符契今依被

偈文

世尊妙相具我今重問彼佛子何因緣名為

觀世音

初一行 次十六行頌答初

具足妙相尊偈

答無盡意汝聽觀音行善應諸方所

初一行 勸聽 弘

擔溪如海歷劫不思議待多千億佛發大清

淨願

次一行 歎

我為汝略說聞名及見身心念

不空過能滅諸有苦

三二行 正是

第二十三行

假

使興害意推落大火坑念彼觀音力火坑變

成池

初一行 頌火難

或漂流巨海龍魚諸鬼難念彼觀

音力波浪不能沒

二頌 水難

或在須彌峰為人所

推墮念彼觀音力如日虛空住

三除墮 須彌難

或被惡

人逐墮落金剛山念彼觀音力不能損一毛

四除金剛山難

或值怨賊繞各執刀加害念彼觀音力

咸即起慈心五頌怨賊難或遭王難苦臨刑欲壽終

念彼觀音力刀尋段段壞六頌刀杖難或囚禁枷鎖

手足被桎械念彼觀音力釋然得解脫七頌枷鎖難

咒詛諸毒藥所欲害身者念彼觀音力還著

於本人八頌咒咀難或遇惡羅刹毒龍諸鬼等念彼

觀音力時悉不敢害九頌龍鬼羅刹難若惡獸圍繞利

牙爪可怖念彼觀音力疾走無邊方十頌惡獸難蛇

及蝮蠍氣毒煙火然念彼觀音力毒聲自

迴去十一頌蛇蠍難雲雷鼓掣電降雹澍大雨念彼觀

音力應時得消散十二頌除雷電難衆生被困厄無量

苦遍身觀音妙智力能救世間苦十三頌除衆苦難也上頌別

答觀二九行頌具足神通力廣修智方便十方

諸國土無刹不現身種種諸惡趣地獄鬼畜

生生老病死苦以漸悉令滅初一行頌業為四

真觀清淨觀廣大智慧觀悲觀及慈觀常願

常瞻仰初二行舉無垢清淨光慧日破諸闇能

伏災風火普明照世間

二二行頌 破開伏災

悲體戒雷震

慈意妙大雲樹甘露法雨滅除煩惱

三三行頌慈悲

諍訟經官處怖畏軍陣中念彼觀音力眾

怨悉退散

四一行頌 念除眾怨 二下三行頌 業化勸念為三

妙音觀世音

梵音海潮音勝彼世間音是故須常念

初一行頌讚德

念念勿生疑觀世音淨聖於苦惱死厄能

為依怙

二二行頌 勸念 花能勸勿疑

具一切功德慈眼視眾

生福聚海無量是故應頂禮

三三行總結聖德勸頂禮已上頌別答普門竟

爾時持地菩薩即從座起前白佛言世尊

有眾生聞是觀世音菩薩品自在之業普門

示現神通力者當知是人功德不少佛說是

普門品時眾中八萬四千眾生皆發無等等

阿耨多羅三藐三菩提心

第二二聞品得益持地者寶雲經云菩薩有十法

名持地三昧如世間地一者廣大二眾生依止三無好惡四受大雨五生草木六種子所依七生眾寶八生眾藥九風不動十師子吼亦不能驚菩薩亦爾經一一命今謂以八教判方應今經應對諸經及以今部辨其得益其別不同以判教相兼帶等異教若唯小顯露終無結得大益密得天益教不可傳教雖不傳須辨其旨若如方等般若之流以部其故聞

益亦共，即具顯密及以不定，互相知者名爲不定，互不相知名爲秘密，是則部內或品似大而益有大小，或品似小益亦大小，或兼大小，益亦大小，皆以向來三義消之，不能具指諸經，品相思之思之，今經唯大大中唯圓無密偏小，故聞品益始終無偏，雖於圓中亦有發心不退及無生等不與偏小共也，約部判益，良在於此，故嚴王品雖云法眼名同，體異定非初果，須判爲六根清淨法眼位，耳即七信已上也，若聞法華令得初果，則法華一部文義俱壞，經云無等等者，九法界心不能等理，佛法界心能等此理，故無等而等也，又畢竟之理是無等初緣，畢竟理而發心能等於理，故言無等等也，又心之與理俱不可得，將何物等何物而言無等等耶？心之與理俱不可說，不可說而說，說此心等此理，故言無等等耳，初云是橫釋，次云是豎釋，次云非橫非豎釋也，又復應知初云是橫釋者，結前三重釋無等等以成大車佛界一念望理名橫佛心望理二義均等，故名爲橫，次約初心緣畢竟理初後相望名爲豎，第三意者，心之與理冥符一體，俱不可說，誰論橫豎，初釋唯佛心即空也，次釋通一切即假也，第三明前二俱不可得，即中道也，然此品文疏釋甚略，若委解經文，其如智者別行玄文義疏並記，委釋須者請看彼解。

妙法蓮華經陀羅尼品第二十六

此品第二藥王下五品約

化他勸流通中第三陀羅尼明擁護總持乘乘中初釋品名，二消經初陀羅尼品者，此翻總持，總持惡不起善不失，其又翻能遮能持，能持善能遮惡，其二三此能遮邊惡能持中善，其衆經開遮不同，或專用治病如那達居士或專護法如此文或專用滅罪如方等或通用治病滅罪護經如請觀音或大明咒無上明咒無等等明咒則非治病非滅罪非護經若通方者亦應兼若論別者幸須依經勿乖教，云諸師或說咒者是鬼神王名稱其王名部落敬主不敢爲非故能降伏一切鬼神，其或云咒者如軍中之密号唱号相應無所可問若不相應即執治罪若不順咒者頭破七分若順咒者則無過失。

其或云咒者密默治惡惡自休息譬如微賤從此國逃彼國
訛稱王子彼國以公主妻之多顯難事有一明人從其國來
主往說之其人語主若當顯時說偈偈云無親遊他國欺誑
一切人鹿食是常事何勞復作顯說是偈時默然顯歇後不
復顯是主及一切人但聞斯偈皆不知意咒亦如是密默遮
惡餘無識者其或云咒者是諸佛密語如王索先陀婆一切
羣下無有能識唯有智臣乃能知之咒亦如是祇是一法徧
有諸力病愈罪除善生道合其為此義故皆存本音譯人不
翻意在此也惡世弘經喜多第二分經為四問持經功
惱難以咒護之使道流通也德二答甚多三請以咒護四
聞品
得益

爾時藥王菩薩即從座起偏袒右肩合掌向
佛而白佛言世尊若善男子善女人有能受

持法華經者若讀誦通利若書寫經卷得幾

所福初問持 一佛答 經功德 又為四佛告藥王若有善男子善

女人供養八百萬億那由他恆河沙等諸佛

初答格 量為本於汝意云何其所得福寧為多不二佛問

甚多世尊三藥王答佛言若善男子善女人能於

是經乃至受持一四句偈讀誦解義如說修

行功德甚多四佛正格 量功德 第二請說咒有五番一藥王

十女初藥 王又為四爾時藥王菩薩白佛言世尊我今當

與說法者陀羅尼咒以守護之初藥王請即說咒

曰二正說咒

安爾一曼爾二摩禰三摩摩禰四百隸五遮

黎第六餘咩半鳴音七餘履多瑋八輶輪于反帝九

目帝十目多履十一沙履十二阿瑋沙履十三桑履

四沙履十五又裔十六阿又裔十七阿耆臧十八輶帝

九餘履十二陀羅尼十一阿盧伽婆娑蘇奈反皴族

毗又臧二禰毗剃三阿傻哆都餓反邏禰履剃

四并阿直哆波隸輸地途賣反歐究隸六牟究

隸七阿羅隸八波羅隸九首迦鎧初九反阿

三磨三履一佛陀毗吉利袞帝二十達磨

波利鎧猜離反帝三十僧伽涅瞿沙禰三十婆

舍婆舍輸地五曼哆邏六曼哆邏又夜

多三十郵樓哆郵樓哆三十憍舍略盧遮反

惡又邏四惡又治多治一阿婆盧二阿

摩若荏蕭反那多夜四十

世尊是陀羅尼神咒六十一億恆河沙等諸
 佛所說若有侵毀此法師者則為侵毀是諸
 佛已レニ三稱時釋迦牟尼佛讚藥王菩薩言善
 哉善哉藥王汝憫念擁護此法師故說是陀
 羅尼於諸衆生多所饒益四佛第一勇爾時勇
 施菩薩白佛言世尊我亦為擁護讀誦受持
 法華經者說陀羅尼若此法師得是陀羅尼
 若夜叉若羅刹若富單那若吉蔗若鳩槃荼

若餓鬼等伺求其短無能得復初請即於佛

前而說咒曰二正說咒

座拾螺一摩訶座反二郁枳三目枳四阿

隸五阿羅婆第六涅隸七多婆八

伊繳豬里梘九韋繳梘十百繳梘十一涅隸

梘二十涅犁墀婆底三十

世尊是陀羅尼神咒恆河沙等諸佛所說亦
 皆隨喜若有侵毀此法師者則為侵毀是諸

佛已三歎爾時毗沙門天王護世者

白佛言世尊我亦為憫念衆生初請擁護此法師

故說是陀羅尼說咒即說咒曰二正

阿黎一那黎二菟那黎三阿那盧四那履五

拘那履六

世尊以是神咒擁護法師我亦自當擁護持

是經者令百由旬內無諸衰患三歎第四護

爾時持國天王在此會中與千萬億那由他

乾闥婆衆恭敬圍繞前詣佛所合掌白佛言

世尊我亦以陀羅尼神咒擁護持法華經者

初請即說咒曰二正

阿伽彌一伽彌二瞿利三乾陀利四旃陀利

五摩蹬耆六常求利七浮樓菴坭八頰底九

世尊是陀羅尼神咒四十二億諸佛所說若

有侵毀此法師者則為侵毀是諸佛已三歎

第五十羅爾時有羅刹女等一名藍婆二名毗

藍婆二名曲齒四名華齒五名黑齒六名多
 髮七名無厭足八名持瓔珞九名皇帝十名
 奪一切衆生精氣初列一名是十羅刹女與鬼子
 母并其子及眷屬俱詣佛所同聲白佛言世
 尊我等亦欲擁護讀誦受持法華經者除其
 衰患若有伺求法師短者令不得復一請卽
 於佛前而說咒曰三正說咒
 伊提履一 伊提泯二 伊提履三 阿提履四 伊

提履五 泥履六 泥履七 泥履八 泥履九 泥履
 十 樓醯一 樓醯二 樓醯三 樓醯四 多醯五 多
 醯六 多醯七 兜醯八 窰醯九
 寧上我頭上莫惱於法師若夜叉若羅刹若
 餓鬼若富單那若吉蔗若毗陀羅若犍馱若
 烏摩勒伽若阿跋摩羅若夜叉吉蔗若人吉
 蔗若熱病若一日若二日若三日若四日乃
 至七日若常熱病若男形若女形若童男形

若童女形乃至夢中亦復莫惱即於佛前而說偈言

若不順我咒惱亂說法者頭破作七分如阿梨樹枝如殺父母罪亦如壓油殃斗秤欺誑人調達破僧罪犯此法師者當獲如是殃

諸羅刹女說此偈已白佛言世尊我等亦當身自擁護受持讀誦修行是經者令得安隱

離諸衰患消眾毒藥四諸女立誓言夜叉者翻捷疾鬼羅刹翻食人鬼一部是北方

所領者富單那熱病鬼吉蕉起尸鬼若人若夜叉俱有此鬼也毗陀羅赤色鬼捷駄羅黃色鬼烏摩勒伽烏色鬼阿跋摩羅青色鬼阿梨樹枝墮地法爾破為七片殺父母破僧是二逆異外國油者擣麻使生蟲合勝之規多汁益肥此過尤也斗秤輕出重入欺盜之尤近世有小斗出大斗入震銘其背斯罪亦不輕也佛告諸羅刹女

善哉善哉汝等但能擁護受持法華名者福不可量何況擁護具足受持供養經卷華香瓔珞末香塗香燒香幡蓋伎樂然種種燈酥燈油燈諸香油燈酥摩那華油燈蒼蔔華油燈婆師迦華油燈優鉢羅華油燈如是等百

千種供養者皇帝汝等及眷屬應當擁護如

是法師五佛印證已上第說此陀羅尼品時六萬

八千人得無生法忍第四闍品得益

妙法蓮華經妙莊嚴王本事品第二十七此

是第二約化他流通中第四妙莊嚴王品明外護指願乘乘中初釋品題來意二消經釋題者此王因緣出他經昔佛未法有四比丘於法華經極生殷重雖卷舒秘教甘露未霑日夜翹誠晷刻無怠歎云苟非其人乎地非其處乎世間紛懣靜散相乖直爾求閑尚須厭棄况崇道乎於是結契山林志欣佛慧幽居日積衣糧單罄有待多煩無時不之饗喀喀廢萬里之行十旬九飯屈雲霄之志可得言哉其一人云吾等四窮尚不存身法當安寄君二人者但以命奉道莫慮朝

中我一人者捨此身力擔給所須於是振錫門閭以求供繼自春至冬周而復始如僕奉大家甘苦無喜愠三人得展其誠功圓事辦一世之益當無量生其一人者數涉人間屢逢聲色坏穢未火難可護持偶逢王出車馬駢填旌旗踴赫生心動念愛彼光榮功德熏修隨念受報人中天上常得為王福雖不貴亦有限也三人得道會而議云我免籠樊功由此王其耽果報增長有為從此來已不復為王方沈火坑良難可救幸其未苦正可開化其一人云此王著欲而復邪見非愛鉤無由可扳一人可為端正婦二作聰明兒兒婦之言必當從順如宜設化果獲改邪婦者妙音菩薩是昔一子者今藥王藥上二菩薩是昔時王者今華德菩薩是所以白毫東召并紫臺而西引神咒護經使流通而大益說四聖之前緣故名妙莊嚴王本事品又妙莊嚴者妙法功德莊嚴諸根也此王往自於妙法有緣道熏時熟諸根應淨生雖未獲其理必臻靈瑞感通嘉名早立例如善吉雖未無諍已号空生故下文云得清淨功德莊嚴三昧以是義故名妙莊嚴王也前

品說兜護今品說入護人護
經文為六三明本事一雙標
 尚爾咒護弥良並勸流通也
能所三能化方便四所化得
 益五結會古今
 六聞品悟道

爾時佛告諸大衆乃往古世過無量無邊不
 可思議阿僧祇劫有佛名雲雷音宿王華智
 多陀阿伽度阿羅訶三藐三佛陀國名光明
 莊嚴劫名慧見初明第二標彼佛法中有王名
 妙莊嚴其王夫人名曰淨德有一子一名淨
 藏一名淨眼初雙標能所所化人是一子有大神
 力福德智慧久修菩薩所行之道所謂檀波
 羅蜜尸羅波羅蜜羸提波羅蜜毗梨耶波羅
 蜜禪波羅蜜般若波羅蜜方便波羅蜜慈悲
 喜捨乃至三十七品助道法皆悉明了通達
 又得菩薩淨三昧日星宿三昧淨光三昧淨
 色三昧淨照明三昧長莊嚴三昧大威德藏
 三昧於此三昧亦悉通達二別顯二子福慧六度
四弘餘經指此為十波

羅蜜橫法門也二十七助道豎法門也餘經為正道行行為
 助道今經指十度為正呼此是助道也禪度中具有三昧道

品中節節有二昧夏標 第三能化 爾時彼佛欲引

導妙莊嚴王及憫念衆生故說是法華經明初

時至者彼佛出世常宣正法於王緣弱則非其時若說法

華則其時矣文云彼佛將欲引導說法華經即其義也

第一論 時淨藏淨眼二子到其母所合十指爪

掌白言願母往詣雲雷音宿王華智佛所我

等亦當侍從親近供養禮拜所以者何此佛

於一切天人衆中說法華經宜應聽受初白母時至

母告子言汝父信受外道深著婆羅門法汝

等應往白父與其俱去一母讓令化父淨藏淨眼合十

指爪掌白母我等是法王子而生此邪見家

若得見者心必清淨或聽我等往至佛所四母

於是二子念其父故涌在虛空高七多羅

樹現種種神變於虛空中行任坐臥身上出

水身下出火身下出水身上出火或現大身

滿虛空中而復現小小復現大於空中滅忽

然在地入地如水履水如地現如是等種種

神變令其父王心淨信解二現化應明十 第四 八變例具釋之 所化

得益又十時父見子神力如是心大歡喜得未曾

有合掌向子言汝等師為是誰誰之弟子二

子白言大王彼雲雷音宿王華智佛今在七

寶菩提樹下法座上坐於一切世間天人眾

中廣說法華經是我等師我是弟子初父信子 伏師王親

邪變或一或二狹而且陋見子所作歎未曾 父語子言 有信其子而伏其師問師是誰我亦願見

我今亦欲見汝等師可其俱往二父王已信宮中 八萬四千又熟白

母稱慶願放出 家母亦聽之於是二子從空中下到其母所

合掌白母父王今已信解堪任發阿耨多羅

三藐三菩提心我等為父已作佛事願母見

聽於彼佛所出家修道爾時二子欲重宣其

意以偈白母

願母放我等出家作沙門諸佛甚難值我等

隨佛學如優曇波羅值佛復難是脫諸難亦

難願聽我出家

母即告言聽汝出家所以者何佛難值故重

催父母今正其時佛難值故於是二子白其父言善哉父母願

時往詣雲雷音宿王華智佛所親覲供養所

以者何佛難得值如優曇鉢羅華又如一眼

之難值浮木孔而我等宿福深厚生值佛法

是故父母當聽我等令得出家所以者何諸

佛難值時亦難遇彼時妙莊嚴王後宮八萬

四千人皆悉堪任受持是法華經淨眼菩薩

於法華三昧久已通達淨藏菩薩已於無量

百千萬億劫通達離諸惡趣三昧欲令一切

衆生離諸惡趣故其王夫人得諸佛集三昧

能知諸佛秘密之藏二子如是以方便力善

化其父令心信解好樂佛法四化功已著佛歎功德法華三昧者攝

切法歸一實相如前說離惡趣者一在以三途為惡趣其論二十五有皆乘真起妄悉是惡趣今皆離之即二十五三昧破二十五有也佛集三昧者即秘密之藏佛集其中唯佛行處非餘人也佛所又五於是妙

莊嚴王與羣臣眷屬俱淨德夫人與後宮采
 女眷屬俱其王二子與四萬二千人俱一時
 共詣佛所到已頭面禮足繞佛三匝却住一
 面初明一時俱詣爾時彼佛為王說法示教利喜王大
 歡悅法喜爾時妙莊嚴王及其夫人解頸真
 珠瓔珞價直百千以散佛上供養於虛空中
 化成四柱寶臺臺中有大寶牀敷百千萬天
 衣其上有佛結跏趺坐放大光明現瑞爾時

妙莊嚴王作是念佛身希有端嚴殊特成就

第一微妙之色五明歡喜色上時雲雷音宿王華

智佛告四眾言汝等見是妙莊嚴王於我前

合掌正不此王於我法中作比丘精勤修習

助佛道法當得佗佛號娑羅樹王國名大光

劫名大高王其娑羅樹王佛有無量菩薩眾

及無量聲聞其國平正功德如是六佛與其王

即時以國付弟王與夫人二子并諸眷屬於

佛法中出家修道王出家已於八萬四千歲
 常勤精進修行妙法華經過是已後得一切
 淨功德莊嚴三昧即外虛空高七多羅樹明七
 而白佛言世尊此我二子已作佛事以神出家
 通變化轉我邪心令得安在於佛法中得見修行
 世尊此二子者是我善知識為欲發起宿世
 善根饒益我故來生我家八父王爾時雲雷音
 宿王率智佛告妙莊嚴王言如是如是如汝

所言若善男子善女人種善根故世世得善
 知識其善知識能令佛事示教利喜令人阿
 耨多羅三藐三菩提大王當知善知識者是
 大因緣所謂化導令得見佛發阿耨多羅三
 藐三菩提心大王汝見此二子不此二子已
 曾供養六十五百千萬億那由他恆河沙諸
 佛親近恭敬於諸佛所受持法華經憫念邪
 見衆生令在正見九佛述妙莊嚴王即從虛空
行高

中下而白佛言世尊如來甚希有以功德智
 慧故頂上肉髻光明顯照其眼長廣而紺青
 色眉間毫相白如珂月齒白齊密常有光明
 脣色赤好如頻婆果爾時妙莊嚴王讚歎佛
 如是等無量百千萬億功德已於如來前一
 心合掌復白佛言世尊未曾有也如來之法
 具足成就不可思議微妙功德教戒所行安
 隱快善我從今日不復自隨心行不生邪見

憍慢瞋恚諸惡之心說是語已禮佛而出

十歡佛自誓佛讚善知識大有義善知識能作佛事此則外
 護善知識示教利喜者此則教授善知識所謂化導令得見
 佛者此則同行善知識令人菩提此則實際實相善知識雜
 阿含云善知識者若負良妻此則外護義又善知識者如宗
 親財此即同行義又善知識者如商王導此即
 教授義又善知識如子母父懷此即實際義也佛告大眾

於意云何妙莊嚴王豈異人乎今華德菩薩
 是其淨德夫人今佛前光照莊嚴相菩薩是
 哀憫妙莊嚴王及諸眷屬故於彼中生其二
 子者今藥王菩薩藥上菩薩是

第五結會古今是
 中初正結會

藥王藥上菩薩成就如此諸大功德已於無
 量百千萬億諸佛所植眾德本成就不可思
 議諸善功德若有人識是二菩薩名字者一
 切世間諸天人人民亦應禮拜二歎一佛說是妙
 莊嚴王本事品時八萬四千人遠塵離垢於
 諸法中得法眼淨六聞品悟道中法眼淨者有云
 此經皆當作佛豈聞品者得小果耶名同義殊善須斟酌已
 如前說注者亦云所見清淨不云小乘初果也已上總是第
 四妙莊嚴王品明
 外護指願乘乘竟

妙法蓮華經普賢菩薩勸發品第二十八第三

普賢勸發品自行勸傳通先釋品目次消經文初釋題者大
 論觀經同名福吉此經稱普賢皆漢語梵音却輸戲陀此云
 普賢悲華經云我指於穢惡世界行菩薩道使得嚴淨我行
 要當勝諸菩薩寶藏佛言以是因緣今汝字名為普賢此
 即三悉檀意復是因緣解釋又是行願得名由來從於念處
 至四善根通稱為普賢別約世第一法鄰真近聖稱之為賢
 此三藏中說耳今明伏道之頂其因周徧曰普斷道之後鄰
 于極聖曰賢若十信是伏道之始非頂非周鄰于初聖之初
 非後非極乃至第十地亦非周極況前諸位乎今論等覺之
 位居眾伏之頂伏道周徧故名為普斷道纔盡所較無幾鄰
 終際極故名為賢釋論引十四夜月如十五夜月斯義明矣
 此約圓教位釋後位普賢也勸發者總法之辭也適在彼國
 具聞此經始末既周欲令自行化他永永無已故自東自西
 而來勸發具四悉檀意云云我為供養法華經故自現其

身若見我身甚大歡喜其以見我故轉復精進即得三昧及
陀羅尼其得是陀羅尼故無有非人能破壞者亦復不為女
人之所惑亂其三千大千世界微塵菩薩具上判流通為
普賢道其如此明文即四悉檀而來勸發也三從十九行
偈已後五品半舉經力大以勸流通藥王品下五品舉菩薩
化道力大以勸流通此一品舉普賢檀願力大以勸流通分
文為四一發來二勸發三述發四發益初
經家叙發來為二一上供二下化三修敬

爾時普賢菩薩以自在神通力威德名聞與
大菩薩無量無邊不可稱數從東方來所經
諸國普皆震動雨寶蓮華作無量百千萬億
種種伎樂此初發來中上供也言自在者理一也神通
者行一也威德者人一也名聞者教一也又

自在者常也神通者樂也威德者我也名聞者淨也言說如
此即一而四德無不備自在義為淨力故雨華樂力故奏伎
神通力故動地自在力故隨意而雨隨去隨雨隨動隨奏譬
如大龍飛行不息身邊雲雨流起無窮普賢及眷屬以菩薩
身用四德力來勸發四一所
逕歷處自行上供其事如此 又與無數諸天龍夜叉

乾闥婆阿脩羅迦樓羅緊那羅摩睺羅伽人
非人等大眾圍繞各現威德神通之力到娑
婆世界耆闍崛山中二下化利益隨他所宜現八部像
略用二力隨所堪任其事如此
頭向禮釋迦牟尼佛右繞七匝三身旋面禮
勸

白佛言世尊我於寶威德上
為二一請問勸發二
稽願勸發有問有答

王佛國遙聞此娑婆世界說法華經與無量
 無邊百千萬億諸菩薩眾共來聽受惟願世
 尊當為說之若善男子善女人於如來滅後
 云何能得是法華經初請問也所問者遙聞經竟總
 法無已遠來之志志在勸發是
 故夏請正說勸發自行夏請流通勸發化他佛答先總
 如來若許二途再演光光無極是故雙請也 次別三結
 佛告普賢菩薩若善男子善女人成就四法
 於如來滅後當得是法華經初佛
 總答一者為諸佛
 護念二者植諸德本三者入正定聚四者發

救一切眾生之心

二別答列四法名普賢既其雙請
 是故如來巧答略舉四以蔽諸何

者四法之要該括正宗及以流通何者佛雖無偏若能遠惡
 從善反迷還正開權知見顯佛知見者則稱可聖心諸佛護
 念若佛知見開則般若照明是植眾德本也亦是入正定聚
 不亂不味不取不捨也亦是發救眾生當知此四與開權顯
 實名異體同無二無別又佛護念者是開佛知見植眾德本
 是示佛知見發救眾生是悟佛知見入正定聚是入佛知見
 迹門之要此四收矣又迹則有本從本開示悟入故有迹中
 開示悟入今開迹即顯本本迹無二無別以四法答其請正
 於義明矣以四法答請流通流通之方唯三唯四發救眾生
 是入如來室入正定聚佛所護念是著如來衣植眾德本是
 坐如來座是弘宣之要即四行而三德也發救眾生是誓願
 安樂行入正定聚是意安樂行植眾德本是口安樂行護念
 是身安樂行當知此四法即前四安樂行一答酬其兩請舉
 四冠罩一經法華之重演斯經之再宣遠來之勸發其義如此

善男子善女人如是成就四法於如來滅後

必得是經二結者於如來滅後成就四法必得是經舊

爾上文云諸法實相義已為汝等說又云咸令眾生開示悟入佛之知見蓋法華之正體能行四法必得此解名解為經此結其請正之問若能運此解行傳與他人他人得斯信解成初依人能得真解成第二第三第四依人此結其請流通之問此意不見浪作餘說耶設若有人不許此解則為不許自行化他則為不許開示悟入則為不許室衣座三則為不許方軌弘經若言非是不許但是無文若謂經無即是不許逐要重說若不爾者將何以攬今經正宗至此為重說耶經初存其開等四句而為四釋今至此經末又示開等還須四釋故知始末並是此經體宗用也是則序正流通無非妙法
○下第二指願勸發文為二一爾時普賢菩薩白佛言

世尊於後五百歲濁惡世中其有受持是經

典者我當守護除其衰患令得安隱使無伺

求得其便者一據其外難中初總據其難故若魔若

魔子若魔女若魔民若為魔所著者若夜叉

若羅刹若鳩槃荼若毗舍闍若吉蔗若富單

那若韋陀羅等諸惱人者皆不得便次別據其難舉

是人若行若立讀誦此經我爾時乘六

牙白象王與大菩薩眾俱詣其所而自現身

支那

法華疏

四十一

供養守護安慰其心亦為供養法華經故

其內法凡三番教訓中初行立是人若坐思惟此經

爾時我復乘白象王現其人前其人若於法

華經有所忘失一句一偈我當教之與其讀

誦還令通利爾時受持讀誦法華經者得見

我身甚大歡喜轉復精進以見我故即得三

昧及陀羅尼名為旋陀羅尼百千萬億旋陀

羅尼法音方便陀羅尼得如是等陀羅尼

思惟復乘六牙教示其經與其三昧陀羅尼旋假入空也百
于於者旋空出假也方便者二為方便道得入中道第一義
也世尊若後世後五百歲濁惡世中比丘比

丘尼優婆塞優婆夷求索者受持者讀誦者

書寫者欲修習是法華經於二七日中應一

心精進滿三七日已我當乘六牙白象與無

量菩薩而自圍繞以一切眾生所喜見身現

其人前而為說法示教利喜

內法中云三番者即讀誦思惟三七日也有人至此亦引文
云行有五法二二七日見二七七見三一生見四二生見五

三生見又云應有六法一嚴淨道場二淨身三六時四啟請
五讀誦六思惟甚深空法作是觀時能滅百千萬億阿僧祇
重罪若爾何以解釋一經都無啟心投想之地至此乃引普
賢觀經況今自云讀誦書寫者欲修習是法華經於三七日
中一心精進我當乘象至其人前故知若修行若解說請依
今師方有所至所以非玄文無以導非止觀無以達非此疏
無以持非一家無以進若不爾者用是教為用講宜為故東
京安國寺尼慧忍置法華道場今天下倣效而迷其本不知
此尼依憑有在而親感普賢然雖有置道場處多分師心況
今講者而欲輕略斯教良由不知教旨故也邇與江淮四十
餘僧往禮臺山因見不空三藏門人含光奉勅在山修造云
與不空三藏親遊天竺彼有僧問曰大唐有天台教迹最堪
簡邪正曉偏圓可能譯之將至此土耶豈非中國失法求之
四維而此方少有識者如魯人耳故厚德向道者莫不仰之
敬禮學者行者隨力稱讚應知自行兼人並異他典若說若
聽境智存焉若冥若顯種熟可期並由弘經者有方故也若

直爾講說是弘經者何須衣座
之誠如來所遣豈可聊爾

亦復與其陀羅尼咒

得是陀羅尼故無有非人能破壞者亦不為
女人之所惑亂我身亦自常護是人惟願世
尊聽我說此陀羅尼咒即於佛前而說咒曰

二授與
陀羅尼

阿檀地途買檀陀婆地二檀陀婆帝三檀陀

鳩舍隸四檀陀脩陀隸五脩陀隸六脩陀羅

婆底七佛馱波羶禰八薩婆陀羅尼阿婆多

支那

法苑珠林卷一

四十四

尼九薩婆婆沙阿婆多尼十脩阿婆多尼十

僧伽婆履叉尼十僧伽涅伽陀尼十阿僧祇三

僧伽波伽地十帝隸阿情僧伽兜略盧遮反

阿羅帝波羅帝十薩婆僧伽三摩地伽蘭地

七薩婆達磨脩波利利帝十薩婆薩埵樓駄

憍舍略阿菟伽地十辛阿毗吉利地帝二十吧義已如

陀羅尼品委釋此不繁文

世尊若有菩薩得聞是陀羅尼者當知普賢

神通之力若法華經行閻浮提有受持者應

作此念皆是普賢威神之力持莫非神力之所護

若有受持讀誦正憶念解其義趣如說修行

當知是人行普賢行於無量無邊諸佛所

種善根為諸如來手摩其頭四示勝因若能五種法即即三世佛所為

種為熟為脫此人同未來諸佛得脫故言同行普賢行也此人已於先佛植善故言波種善根也此人為現佛所熟故言手摩其

頭也若但書寫是人命終當生忉利天上是

時八萬四千天女佉衆伎樂而來迎之其人

即著七寶冠於采女中娛樂快樂何況受持
 讀誦正憶念解其義趣如說修行若有人受
 持讀誦解其義趣是人命終為千佛授手命
 不恐怖不墮惡趣即往兜率天上彌勒菩薩
 所彌勒菩薩有二十二相大菩薩眾所共圍
 繞有百千萬億天女眷屬而於中生有如是
 等功德利益五示近果但能書寫近在
 勿利具五法師次在兜率是故智者
 應當一心自書若使人書受持讀誦正憶念

如說修行六總結誓願
 上勸發護人竟世尊我今以神通力故

守護是經於如來滅後閻浮提內廣令流布

使不斷絕第一明誓願護法總
 是第一普勸發畢爾時釋迦牟尼佛

讚言善哉善哉普賢汝能護助是經令多所

眾生安樂利益汝已成就不可思議功德深

大慈悲從久遠來發阿耨多羅三藐三菩提

意而能作是神通之願守護是經我當以神

通力守護能受持普賢菩薩名者此第二如來
 上述成中初述

成第二護法即是如來舉勝述其劣增進行者勇銳弘宣先
述護法云汝能如是外多利益內積慈悲又久劫已來作如
此護我亦以佛之神力○次述成第一
守護是法况復汝耶 護人為五 普賢若有受持

讀誦正憶念修習書寫是法華經者當知是
人則見釋迦牟尼佛如從佛口聞此經典當
知是人供養釋迦牟尼佛當知是人佛讚善
哉當知是人為釋迦牟尼佛手摩其頭當知
是人為釋迦牟尼佛衣之所覆
初述其內法當知是人則見釋

迦牟尼佛者述其示身教法其尚見我萬德果身況汝因中
六牙白象其尚從佛口具足聞經況汝所教忘失竟句其尚

為佛口讚手摩衣所覆
況汝因人陀羅尼覆耶

如是之人不復貪著世樂不

好外道經書手筆亦復不喜親近其人及諸
惡者若屠兒若畜豬羊雞狗若獵師若街賣
女色是人心意質直有正憶念有福德力是
人不為三毒所惱亦不為嫉妬我慢邪慢增
上慢所惱是人少欲知足能修普賢之行
其勝因廣舉因中無諸過惡少
欲知足修普賢行述勝因也 普賢若如來滅後後
五百歲若有人見受持讀誦法華經者應作

是念此人不久當詣道場破諸魔衆得阿耨
多羅三藐三菩提轉法輪擊法鼓吹法螺雨
法雨當坐天人大衆中師子法座上普賢若
於後世受持讀誦是經典者是人不復貪著
衣服臥具飲食資生之物所願不虛亦於現
世得其福報二述其舉近果也其人當詣道場必成遠
果況近果耶亦於現世得其近果不復生
也若有人輕毀之言汝狂人耳空作是行終
無所獲如是罪報當世世無眼若有供養讚

歎之者當於今世得現果報若復見受持是
經典者出其過惡若實若不實此人現世得
白癩病若有輕笑之者當世世牙齒疎缺醜
唇平鼻手脚緣戾眼日角眦身體臭穢惡瘡
膿血水腹短氣諸惡重病四述其能攝外難佛廣示
毀者之罪令知過必改不
相惱亂非但持經者難滅亦乃欲毀者福生
無毀無難彼此安樂曠濟無偏慈之至也 是故普賢
若見受持是經典者當起遠迎當如敬佛五
述
其總結信者功德已
上第三如來述成畢 說是普賢勸發品時恆河沙

等無量無邊菩薩得百千萬億旋陀羅尼

千大千世界微塵等諸菩薩具普賢道第四

利益中初聞品利益旋陀羅尼是初地位具普賢道是十地位佛說是經時普賢等

諸菩薩舍利弗等諸聲聞及諸天龍人非人

等一切大會皆大歡喜受持佛語作禮而去

次聞經一部利益大眾歡喜是也歡喜如前說此中云何猶稱聲聞耶故知乃是經家存其本位耳又經家稱其是大乘聲聞以佛道聲令一切聞其義彌顯也已上是第三普賢勸發自行傳通竟始自如來神力八品雙明付囑流通并前分別功德半品三品半是迹門單流通總有十一品半本迹流通畢并前方便品至分別功德十九行偈總一十五品半正

宗竟并前序品總二十八品三分消經竟荆谿記主云余嘗斯猶見自覺多慙迫以來緣彊復疏出縱有立破為樹圓使同志者開佛知見終無偏黨而順臆度冀諸覽者悉然誠一句滌神成資彼岸思惟修習永作舟航隨喜見聞恆為主伴若取若捨經耳成緣或順或違終因斯脫願解脫之日依報正報常宣妙經一刹一塵無非利物惟願諸佛冥熏加被一切菩薩密借威靈在在誅說皆為勸請凡有說處親承供養一句一偈增進菩提一色一香永無退轉

妙法蓮華經卷第七

元祿十一戊寅初春日

書林

淺野久兵衛重惟

